

გ ი ლ ო ც ა ვ თ !



ძვირფასო დედოფლისწყაროელები, ყველას გილოცავთ შობა-ახალ წელს!

2013 წელი საკმაოდ ნაყოფიერი იყო ჩვენი მუნიციპალიტეტისთვის. დედოფლისწყაროს ინფრასტრუქტურული პროექტების განხორციელებლად 40 მილიონი ლარი დაიხარჯა, გაკეთდა გზის ის მონაკვეთები, რომლის რეაბილიტაციაზეც ხალხს ოცნებაც არ შეეძლო. შიდა გზებთან ერთად სარეაბილიტაციო სამუშაოები მიმდინარეობს ქედების ზონაში, მილიონ 250 ათასი ლარი გამოიყო საგზაო დეპარტამენტის მიერ მდინარე ალაზნის ნაპირსამაგრი სამუშაოებისათვის, რაც იმას ნიშნავს, რომ ჩვენი ხელისუფლება საზღვრების დაცვაზეც აქტიურად ზრუნავს. - მოგეხსენებათ, მდინარე ალაზანი ტრანსსასაზღვრო მდინარეა და კალაპოტის ცვლილება დედოფლისწყაროს ტერიტორიის საკუთრებაში არსებული 200 ჰექტარი მიწის -კაკლისყურეს დაკარგვის საშიშროებას ქმნის. წელს ეს პრობლემა მთლიანად მოგვარდა. ამას ემატება ის მილიონ ორასი ათასი ლარი, რომელიც ადგილობრივი ბიუჯეტიდან დაიხარჯა დედოფლისწყაროს ინფრასტრუქტურის მონერგებისთვის. ეს თანხები გაცილებით მეტია, ვიდრე წინა ხელისუფლების პირობებში 9 წლის განმავლობაში დახარჯული თანხა...

ჩვენი მიზანი იყო და არის, რომ თითოეულ დედოფლისწყაროელს თავი ეგრძნო ღირსეულ ადამიანად, პიროვნებად, საკუთარი ქვეყნის სრულყოფილებიან მოქალაქედ, ვისზეც სახელმწიფო ზრუნავს. წინა

წელს არაერთხელ, დედოფლისწყაროს გამგეობისა და წითელი ჯვრის ერთობლივი პროექტის ფარგლებში ჩატარდა ჰუმანიტარული აქციები, რომელთა მეშვეობითაც შესაძლებელი გახდა უამრავი ადამიანის უფასო სამედიცინო გამოკვლევა. ასეთი ძვირადღირებული სამედიცინო კვლევები საკმაოდ დიდ თანხებთანაა დაკავშირებული, ამიტომ მოსახლეობისთვის ეს აქციები სასიცოცხლო მნიშვნელობის ხასიათს ატარებდა.

2013 წელს დედოფლისწყაროს მუნიციპალიტეტში საქართველოში პირველმა გააუქმა საბავშვო ბაღებში გადასახადი,სარემონტო სამუშაოები ჩაუტარდა მათ, ასევე რამდენიმე ახალი ბაღიც შეემატა ჩვენს რაიონს. გარემონტდა 9 საჯარო სკოლა, უფასო სახელმძღვანელოები დაურიგდათ მოსწავლეებს, ნოუთბუქები მიიღეს პირველკლასელებმა.

მუნიციპალიტეტმა მნიშვნელოვნად გაზარდა ბიუჯეტში მოსახლეობის სოციალური დახმარების პაკეტი ადმინისტრაციული ხარჯების ეკონომიის ხარჯზე, კერძოდ, თუ წინა წლებში სათბობი საშუალებებისთვის თანხას 450 ოჯახი ღებულობდა, წელს 750 ოჯახს გაენია დახმარება.

2013წელს სოფლის მეურნეობის ფონდის დაფინანსებით

განხორციელებულმა პროგრამამ დადებითი შედეგი გამოიღო. სასოფლო-სამეურნეო ბარათების წყალობით ნაღობით მიტოვებულ ნაკვეთებს ხალხი დაუბრუნდა. წელს დამუშავებული მიწების რაოდენობა 9 000 ჰექტარით გაიზარდა, რაც იმისი წინაპირობაა, რომ მომავალ წელს გაცილებით მეტი სასოფლო-სამეურნეო დანიშნულების მიწა დამუშავდება და სოფლის მეურნეობაც, როგორც ტრადიციული დარგი, კვლავ პრიორიტეტული გახდება.

წინა წელს ჩვენს რაიონში უპრეცედენტო ინფრასტრუქტურული სამუშაოები მიმდინარეობდა, რამაც ყველა ჩვენს მოქალაქეს დაუბრუნა იმისი განცდა, რომ დედოფლისწყარო აღარაა მიტოვებული რაიონი და არც დედოფლისწყაროელები. მიტოვებული სოფლების მოსახლეობამაც უკვე იგრძნო, რომ ხელისუფლება მათზე ზრუნავს. შირაქის დასახლებაში 35 წლიანი უშუქობის შემდეგ თანამედროვე ჰელიო სისტემა დამონტაჟდა, რისი მეშვეობითაც მოსახლეობა 24 საათიან რეჟიმში მიიღებს ელექტროენერჯიას.

გზებთან ერთად სოფლებში ახალი წყალმომარაგების სისტემა მონტაჟდება, შენდება ქარხნები, რაც ახლო მომავალში ახალ სამუშაო ადგილებს შექმნის, დასაქმების პერსპექტივა კი ქალაქიდან რეგიონებში უკან დააბრუნებს მოსახლეობას და მიგრაციის დონესაც მნიშვნელოვნად შეამცირებს. ქვეყნის და დედოფლისწყაროს წინსვლა და ეკონომიკური აღმავლობა კი იმისი გარანტიაა, რომ მომავალი თაობა თავისი ოცნებების რეალიზებას უკეთესად შეძლებს.

მრავალ შობა-ახალ წელს დაესწარით, დედოფლისწყაროელებო, იმედი მაქვს, მომავალი წელი გაცილებით ნაყოფიერი იქნება.

პატივისცემით,
 ირაკლი შიოლაშვილი,
 კახეთის გუბერნატორი



თანამემამულეებო, გილოცავთ ახალ 2014 წელს. გასული წელი წარმატებული იყო ჩვენი ქვეყნისთვის. უამრავი სასიკეთო ნაბიჯი გადაიდგა როგორც საშინაო, ასევე საგარეო პოლიტიკის მიმართულებით. საქართველო ერთმნიშვნელოვნად დაადგა ეკონომიკური განვითარებისა და აღმშენებლობის გზას. დედოფლისწყაროში წლების განმავლობაში სასიკეთო

არაფერი ხდებოდა, მაგრამ "ქართული ოცნების" ხელისუფლებაში მოსვლისთანავე მდგომარეობა რადიკალურად შეიცვალა. არ დავინყებ იმ პროექტების ჩამოთვლას, რომლებიც ჩვენმა ხელისუფლებამ უკანასკნელი წელიწადნახევრის განმავლობაში განხორციელა, რადგან ყველაფერი ისედაც ნათელია. მესმის, რომ სიკეთემ ჯერაც ვერ შეაღწია ყველა ოჯახში, კიდევ ბევრია დასაპურებელი და ასაშენებელი, მაგრამ პირადად მე და ჩემი კოლეგები ძალისხმევას არ დავიშურებთ, რათა განვითარების ტემპები იყოს მაქსიმალურად სწრაფი და თითოეულმა მოქალაქემ თავი წარმატებული ქვეყნის წარმატებულ შვილად იგრძნოს. დედოფლისწყაროელებო, წინსვლა გრძელდება! მიგულებთ თქვენი საწუხარისა და სიხარულის თანამოზარედ. კიდევ ერთხელ გილოცავთ ახალ 2014 წელს.

პატივისცემით,
 ალექსანდრე თამაზაშვილი,
 პარლამენტის წევრი

ძვირფასო დედოფლისწყაროელებო, ყველას გილოცავთ შობა-ახალ წელს!

საქართველოს უკვე ათეული წლებია, რთულ დროში უწევს ცხოვრება. ოქტომბრის არჩევნების შემდეგ ხელისუფლების მშვიდობიანმა ცვლილებამ ქვეყნის დემოკრატიული სახელმწიფოს ისტორიაში დადებითი და საკმაოდ მნიშვნელოვანი როლი შეასრულა, თუმცა, მოსახლეობას კვლავ მრავალი პრობლემა აქვს მოსაგვარებელი. მათ შორის ძალიან მნიშვნელოვანია მოქალაქეების სოციალური მდგომარეობის გაუმჯობესება და უმუშევრობის დამარცხება. ხალხის ერთ-ერთ მთავარ მოთხოვნას კი სამართლებრივი სახელმწიფოს მშენებლობა წარმოადგენს, რომელიც ქვეყანაში თითოეულ ადამიანს სამართლიანობისა და კანონის უზენაესობის განცდას დაუბრუნებს.

საქართველოს მსგავსად, დედოფლისწყაროსაც აწუხებს ბევრი პრობლემა. ზოგიერთ სოფელში კვლავ დგას სასმელი წყლისა და ბუნებრივი აირის პრობლემა. ჩვენი, ადგილობრივი ხელისუფლების მიზანია, ელემენტარული საყოფაცხოვრებო პირობების გაუმჯობესება მუნიციპალიტეტის ყველა მოქალაქისთვის, თუმცა, ამისთვის გარკვეული დროა საჭირო. და კიდევ, ურთიერთნდობა და ურთიერთპატივისცემა. ეს ფაქტორი კიდევ უფრო შეუწყობს ხელს საერთო მიზნის მიღწევას, რომელსაც დედოფლისწყაროელების კეთილდღეობა ჰქვია.

მრავალ შობა-ახალ წელს დაესწარით, 2014 წელი თქვენი სურვილების და ოცნებების ახდენის წელი ყოფილიყოს!

პატივისცემით,
 ლევან ნატროშვილი,
 დედოფლისწყაროს მუნიციპალიტეტის საკრებულოს თავმჯდომარე
 გივი ბიგაური,
 დედოფლისწყაროს მუნიციპალიტეტის გამგებელი.

მე მიწდა მეონდას ჩამი სახლი...

მშ. 4

2014 წელს ბავრი მასშტაბური პროექტი განხორციელდება

მშ. 3

წლის ამბები დედოფლისწყაროში

მშ. 2

გამოინაჩაოთ გაზეთი „შირაქი“

2014 წლისთვის გაზეთ „შირაქის“ პერიოდულობა კვლავ ყოველკვირეული იქნება, რვაგვერდიანი და ფურადი. გამოწერის ღირებულება მთელი წლით 15 ლარი ელირება, 6 თვით - 7,50 ლარი.

„შირაქი“ ერთგულ მკითხველს სიურპრიზს სთავაზობს - ვისაც ოთხი და მეტი წლის განმავლობაში ჰქონდა გაფორმებული ხელშეკრულება გაზეთთან, წელიწადში ერთხელ 5 ლარის ღირებულების განცხადების უფასოდ გამოქვეყნების საშუალება მიეცემა.

გამოინაჩაოთ გაზეთი „შირაქი“ - შიიტაით ყველაფერი დედოფლისწყაროში მიმდინარე მოვლენების შესახებ.

2014 წელს ხელოვნების მსუბუქი პროექტი განხორციელდება



მინი დოსიე:

გივი გიგაური 1968 წლის 2 დეკემბერს ქ. დედოფლისწყაროში დაიბადა. დაამთავრა გეგმაშვილის სახელმწიფო პედაგოგიური ინსტიტუტის ქართული ენის, ლიტერატურისა და ისტორიის ფაკულტეტი (1988-93წწ). 1995-1997 წლებში მუშაობდა ივანე ჯავახიშვილის სახელმწიფო უნივერსიტეტში ისტორიის აზია-აფრიკის კათედრაზე მაძიებლად. უნივერსიტეტში პერიოდულად გამოქვეყნებული აქვს რამდენიმე სტატია.

ბოლო წლებში ეწეოდა კერძო ფერმერულ მეურნეობას. 2012 წლის 3 დეკემბრიდან დაინიშნა დედოფლისწყაროს მუნიციპალიტეტის გამგებლის მოადგილედ, სოფლის მეურნეობის დარგში, ხოლო მიმდინარე წლის 17 დეკემბრიდან დედოფლისწყაროს გამგებლის მოვალეობას ასრულებს.

ჰყავს მეუღლე და 4 შვილი.

როგორი იყო გასული წელი დედოფლისწყაროსთვის - რა შეიცვალა რიგითი მოქალაქეებისთვის, რა იყო დედოფლისწყაროელების ოცნება ჯერ 50 პროცენტის, მოგვიანებით, საპრეზიდენტო არჩევნებზე კი 80%-იანი მხარდაჭერისას და ადგილობრივ დონეზე რამდენად ამართლებს ხელისუფლება ამომრჩევლის იმედებს, რა პრიორიტეტები დაისახა დედოფლისწყაროს თვითმმართველობის ორგანოში, რა პროექტების განხორციელებას გეგმავს გამგეობა 2014 წელს და როგორ გადანაწილდა ახალი ბიუჯეტი, ბიუჯეტის რა ნაწილი მოხმარდება საჯარო მოხელეების ხელფასებსა და პრემიებს, რამდენად პრინციპული და დამოუკიდებელი იქნება დედოფლისწყაროს ახალი გამგებელი საკუთარ გადაწყვეტილებებში? გაზეთ „შირაქის“ კითხვებს დედოფლისწყაროს გამგებლის მოვალეობის შემსრულებელი გივი გიგაური პასუხობს.

- გკონდათ თუ არა სურვილი, რაიონის გამგებლის სავარძელი დაგეკავებინათ?

- საუბრის დასაწყისში მინდა შობა-ახალი წელი მოგილოცოთ. სიმართლე გითხრათ, არც იგეგმებოდა და სურვილი ნამდვილად არ მქონია, მაგრამ მას შემდეგ, რაც პრემიერმა ირაკლი ლარიაშვილმა დედოფლისწყაროს გამგებელი ირაკლი შიოლაშვილი გუბერნატორად გადაიყვანა, ასე დაემთხვა

- მიუხედავად იმისა, რომ დიდი ხანია მედიამ ვმუშაობ, ამ დრომდე არ გიცნობდით, ასპარეზზე არ ჩანდით, რატომ გადაწყვიტეთ პოლიტიკაში ჩართულობა?

- მანამდე ფერმერულ მეურნეობას ვეწეოდი და პოლიტიკაში არ ვერეოდი, თითქმის არსად ვჩანდი. მიზეზი ის გაუსაძლისი და მძიმე ვითარება გახდა, რომელიც ჩვენს ქვეყანაში ყველა მოქალაქეს ავადებულებდა ხმა ავმალელებს ამ უსამართლობის მიმართ და საკუთარი პოზიცია დაეფიქსირებინა. აუცილებელი იყო დროული ცვლილებები, სწორედ ამ მიზნით და მისწრაფებით გასული წლის ზაფხულში პოლიტიკაში ჩავერთე.

- მხოლოდ ქვეყანაში არსებულ უსამართლობაზე გკონდათ პრეტენზია, თუ თქვენზეც იყო რაიმე სახის ზენოლა?

- არა, ვერ გავიხსენებ, რომ პირადად ჩემზე ან ჩემს ოჯახზე რაიმე წნეხი ყოფილიყო. პროტესტის გრძობა მხოლოდ ქვეყანაში არსებულ ვითარებასთან დაკავშირებით გამიჩნდა.

- თუმცა, ბევრს საუბრობენ, რომ საპარლამენტო არჩევნებამდე კუდ-ის ადგილობრივი თანამშრომლები თქვენი ფერმერული მეურნეობებით ინტერესდებოდნენ, ზენოლას ახდენდნენ და ქონების წარმომავლობას აქტიურად იკვლევდნენ. ამას ზენოლის სახე არ ჰქონია?

- ზენოლის სახე ვერც ექნებოდა, იმიტომ, რომ ქონება, რაც ჩემს ოჯახს გააჩნია, ყველანაირად მონესრიგებული და იურიდიულად გამართული მაქვს, ასე რომ ვერაფერს ნახავდნენ. თუ არ ჩავთვლით უამრავ ჯარიმებს, რომელსაც ავტომობილის მართვისას მიწერდნენ და გადაჭარბებით ხშირად მაჩერებდნენ. ასევე ზენოლის მიზნით სხვადასხვა სახის სატელეფონო ზარებს, ადგილობრივ კუდ-თან სხვა სახის ურთიერთობა არ მქონია.

- რატომ „ქართული ოცნება“?

- რატომ ავირჩიე ეს პოლიტიკური ძალა ამას ბევრი მიზეზი აქვს, მაგრამ მოკლედ გეტყვი. ის სიბრძნე, ის სწორი პოლიტიკური კურსი მხოლოდ ამ კოალიციას გააჩნდა. მხოლოდ ამ პოლიტიკურ ძალას შეეძლო მონსტრის დამარცხება. ეს მთელმა ქვეყანამ დაინახა და ყველამ მიიღო ასეთი სწორი გადაწყვეტილება და გავერთიანდით „ქართული ოცნების“ გარშემო.

- თქვენს ადგილს ვინ დაიკავეთ მოადგილის პოსტზე?

- ეს კანდიდატურა ჯერჯერობით უცნობია, ამიტომ, ვერ დავასახელებ.

- სხვა სახის საკადრო ცვლილებებს თუ გეგმავთ გამგეობაში?

- ჯერჯერობით, ალბათ, არ განხორციელდება ცვლილებები. ვფიქრობ შენარჩუნებული იქნება, რადგან, ეს გუნდი საკმაოდ ქმედუნარიანი და შეკრული აღმოჩნდა.

- დეკემბრის თვეში დედოფლისწყაროს გამგეობასა და საკრებულოში დასაქმებულ საჯარო მოხელეებს კონკურსი უნდა გაეკეთებინათ...

- რამდენადაც ვიცი, ცვლილება შევიდა და კონკურსი სავარაუდოდ, მომავალ წელს ჩატარდება.

- რამდენად მკაცრი და მომთხოვნი იქნებით თანამშრომლების მიმართ?

- ირაკლი შიოლაშვილმა ამ ერთი წლის მანძილზე შეძლო ირგვლივ ისეთი ადამიანების შემოკრიბა, რომ ნაყოფიერად იმუშაონ. თუმცა იყო რამდენიმე ცვლილება, სწორედ სოფლის რწმუნებულებთან დაკავშირებით, ვინც ვერ შეძლო, პროცესს გამოეთიშა.

- რას გეგმავთ მოქალაქეთა მიღების დღეებთან დაკავშირებით. ცნობილია, რომ თქვენმა წინამორბედმა მიღების დღე გააუქმა და მოქალაქეებს გამგებელთან შესვლა ნებისმიერ დროს შეეძლო. ამავე რეჟიმში გაგრძელდება, თუ ცვლილებას გეგმავთ?

- ბატონმა ირაკლიმ ისეთი მეგვიდრობა დაგვიტოვა, რომ ცხადია მისასაღებელია. მთელმა გუნდმა ანალოგიურად უნდა გაითვალისწინოს. აუცილებლად მისაბაძია ეს და კვლავ ყოველდღიურ რეჟიმში გვექნება მიღება და ყურადღებით ვუპასუხებთ, როგორც მოქალაქეთა შეკითხვებს, ისე შენიშვნებს.

- შეშის პრობლემა საკმაოდ აქტუალურია...

- საზღვრისპირა სოფელ საბათლოში ვიმყოფებოდით, გამოვყავით გარკვეული რაოდენობის ტყეკაფი, რომლითაც მოსახლეობის დაკმაყოფილებას შევძლებთ. დანარჩენი დეტალები ადგილობრივ მაცხოვრებლებს ავუხსენით. ტერიტორიულად ახლოს, ჩვენივე მუნიციპალიტეტში გამოვანახეთ იმის საშუალება, რომ შეშა მოიმარაგონ. ზოგადად, ტყეკაფი გამოყოფილი გვაქვს ყვარულში, გურჯაანსა და ლაგოდეხში. ანალოგიური ვითარება იყო ქედების ზონასა და სამთაწყარო-ფიროსმანშიც. წელს ასე თუ ისე მოვაგვარეთ ეს პრობლემა. თუმცა ადგილობრივი ხელისუფლება აქტიურად მუშაობს იმაზე, რომ სამომავლოდ ამ სოფლების გაზიფიცირება მიხერხდეს, რაც მოსახლეობას დიდ პრობლემას მოუხსნის. ამ დღეებში, ეროვნული სატყეო სააგენტოს ხელმძღვანელი ბიძინა გიორგობიანი ადგილზე იმყოფებოდა და პრობლემაზე ერთობლივად განვიხილეთ.

ასევე, ალტერნატიულ გზებსაც ვეძებთ...

სოციალურად დაუცველი მოსახლეობის ზუსტი აღრიცხვა გვაქვს, რომლებიც შეშის დახმარებას იღებენ. დაახლოებით 700 ოჯახზეა საუბარი. იანვრიდან ყველა სოციალურად დაუცველი ოჯახი აუცილებლად დაკმაყოფილდება შეშით.

- გასულ წლებში, დედოფლისწყაროში პრემია წელიწადში 4-ჯერ გაიკუმშა, რაც კახეთის მასშტაბით ყველაზე მაღალი მაჩვენებელი იყო. თქვენ რა მიდგომა გაქვთ პრემიებთან დაკავშირებით?

- ნამდვილად გადაჭარბებული მგონია ეს რიცხვი. საჯარო მოხელეების ნახალისება უნდა ხდებოდეს, მაგრამ არა ამდენად. პრემიების დამსახურების მიხედვით გაცემაც მართებულ ფორმად მეჩვენება.

- რა შეიცვალა რიგითი დედოფლისწყაროელებისთვის 2013 წელს?

- მართლაც, 2013 წელი უხვი და ნაყოფიერი გამოდგა ადგილობრივი მოსახლეობისთვის. წლის დასაწყისში, რომელსაც საგაზაფხულო სამუშაოების ხელშეწყობის პროგრამა დაინიშნა ვერაფერს ვიხსენებ, რომ ასე მასშტაბური მხარდაჭერა აქამდე ყოფილიყო. ამ პროგრამამ საშუალება მისცა გლეხს, რომ წლობით დაუმუშავებელი მიწისთვის მიეხედათ და მოსავალი მიეღოთ. დამეთანხმებით, რომ საკმაოდ სოლიდური დახმარება იყო. ასევე ამოქმედდა „იაფი კრედიტები“.

- სანარმოების ამოქმედების კუთხით რა ნაბიჯები გადაიდგა დედოფლისწყაროში?

- ეკონომიკის სამინისტროში იანვარშივე გავგზავნეთ ის პრიორიტეტები, რაც დედოფლისწყაროს ნაადგებოდა. ფერმერებთან შეხვედრების შემდეგ განვსაზღვრეთ, რომელი გადაამუშავებული სანარმოები ნაადგებოდა დედოფლისწყაროს. შემდეგ იმ ფერმერებმა, რომლებსაც ამ მხრივ გამოცდილება გააჩნია და სურვილიც, სწორედ „იაფი აგროკრედიტების“ მეშვეობით დაინიშნა სამუშაოები. სანარმოების მშენებლობა. სოფელ გამარჯვებაში, ძველ იავარქმნილ ტერიტორიაზე აშენდა ხორცის გადამამუშავებელი სანარმო, რომელიც მთლიანად ადგილობრივი მოსახლეობის საქონლით მომარაგდება და გლეხს ბაზარი ადგილზე ექნება. ასევე, მოენიშნა რძის სანარმოები, სასან-

ყოზე მეურნეობები, იგეგმება ღვინის ქარხნის მშენებლობა ალაზნისპირა სოფლებში.

- რამდენად გამჭვირვალე იქნება თქვენი მუშაობა, მედიასთან ურთიერთობის კუთხით ისეთივე აქტიური იქნებით, როგორც მანამდე?

- თქვენ კარგად იცით ჩემი დამოკიდებულება მედიასთან. აქტიურად ვიღებდი მონაწილეობას როგორც რადიო „პერეთის“ სტუდიაში, პირდაპირ ეთერში მიმდინარე თოქ-შოუებში, ასევე „ობიექტივის“ გადაცემებშიც. ასე გაგრძელდება, რადგან მიმაჩნია, რომ ეს ხელმძღვანელი პირისთვის აუცილებელია, რადგან საზოგადოებასთან ურთიერთობა მედიის გამოყენებით ბევრად იოლი და მასშტაბურია.

- მომავალ წელს რა შეიძლება გაკეთდეს დედოფლისწყაროში მასშტაბური პროექტების კუთხით?

- მოგეხსენებათ, სოფელ ოზაანთან ჩამოდის გედიქის ხევი და მიუხედავად იმისა, რომ აქ წყლის დიდი მარაგია. უნდა ითქვას ისიც, რომ საკმაოდ დიდ სოფელს, ზემო მარჩხაანს, წყალმომარაგების პრობლემა კვლავაც მტკიცებულად უდგას. წყალსაქარის მეშვეობით გადავჭრით ამ პროექტს. მილიონიან პროექტად წოდებულია ეს საკმაოდ მასშტაბური პროექტი, რის დასრულების შემდეგაც მარჩხაანს მრავალწლიანი პრობლემა მოუგვარდება და სოფელი ამოისუნთქებს. არა მხოლოდ მარჩხაანს, ეს პროექტი ხუთ სოფელს მოუხსნის პრობლემას.

- ხშირად ისმის კითხვა „ქოჩების ტბის“ რეაბილიტაციას მოახდენს თუ არა ახალი ხელისუფლება...

- აუცილებლად... თუმცა, კონკრეტულად ჯერ არაფრის თქმა არ შემიძლია. ხშირად გვიჩვენებენ და ბევრს ვფიქრობთ ამაზე. გვინდა, რომ პროცესი დაიძრას.

- ბოლო კითხვა მინდა დაგისვით, რა ვადით დარჩებით გამგებლის მოადგილედ და გეგმავთ თუ არა გამგებლის კონკურსში მონაწილეობას?

- სავარაუდოდ, მოვალეობის შესრულება თვითმმართველობის არჩევნებამდე მომიწევს, დანარჩენ დეტალებს მომავალი გვიჩვენებს.

ილია მარტყოფილი



ნასარჩქია და საახალწლო განწყობა სკოლა „ბენაურში“

საახალწლო ზეიმი დახურა სკოლა ბენაურში 2013-2014 წლის პირველი სემესტრი, კლასი, სადაც მათ სპეციალურად მომზადებული კონცერტი უნდა წარმოედგინათ, ულამაზესად იყო მორთული, ფიფქები და თეთრი ფერის ბუმბულები ორმაგად აძლიერებდა საახალწლო განწყობას. აქ ძირითადად დაწყებითი კლასის მოსწავლეები აქტიურობდნენ, ღონისძიებას ჰყავდა ყველასთვის ცნობილი ზღაპრების გმირები, - ფიფქა და შვიდი ჯუჯა, ფერიები და კონკია, დევი და ნაცარქექია. მოსწავლეებმა სწორედ ამ ზღაპრების ინსცენირება წარმოგვიდგინეს. მათვე წარმოთქვეს ზამთრის თემასთან დაკავშირებული ლექსები და

შეასრულეს საახალწლო სიმღერები. განსაკუთრებული ოვაციები გამოიწვია სკოლა ბენაურის მეექვსე კლასის მოსწავლე გოგონების მიერ შესრულებულმა ბოშურმა ცეკვამ და სიმღერამ. სკოლის ერთ-ერთ კლასში გამართულ საზეიმო ცერემონიას მშობლები, მოსწავლეები და პედაგოგები ესწრებოდნენ. დასასრულს სკოლის პედაგოგებმა კიდევ ერთხელ მიულოცეს მოსწავლეებს ახალი წლის მოახლოება და უსურვეს, რომ 2014 წელი მათთვის წინსვლის და უამრავი საინტერესო პროგრამის განხორციელების წელი ყოფილიყო.

ლალი მხერიშვილი.



მე მინდა მქონდეს ჩემი სახლი...

„ყოველი ადამიანის სული ბუნებით მონოდებულია ცხოვრებისაკენ და მინიერი ცხოვრების მანძილზე მთელი თავისი არსებით მიეღობის სიკეთეს, ყველგან ცდილობს შეკრიბოს, მოიხვეჭოს სიკეთე.“ ამ დევიზით წარსდგინეს ხორნაბუჯის რუსულ-ქართული საჯარო სკოლის სამოქალაქო განათლების კლუბის მოსწავლეები კახეთის ბაისუბნის „ჩემი სახლის“ აღსაზრდელების წინაშე.

სამოქალაქო განათლების კლუბი, რომელსაც ისტორიის მასწავლებელი მარიკა პოპიაშვილი ხელმძღვანელობს, კარგა ხანია ფუნქციონირებს სკოლაში. სკოლის დირექტორის ლალი მენთეაშვილის აქტიური მხარდაჭერით კლუბის წევრები მონაწილეობას ღებულობენ სხვადასხვა ინოვაციურ პროექტებში და გამარჯვების შემთხ-

ვევებში, მოზიდულ თანხებს სკოლის კეთილმოწყობას ახმარენ. ასე გაკეთდა სკოლაში რადიო ხაზი, სკოლის შენობაში კი საპირფარეო და ა.შ.

ამჯერად, სამოქალაქო განათლების კლუბის წევრმა მასწავლებლებმა და მეექვსე, მეშვიდე და მერვე კლასის მოსწავლეებმა: ანა თითილოკაშვილი, მარიამ ყველაშვილი, ლელა გონაშვილი, მარი მამანაშვილი, მარი ნასრაშვილი, ლიკა გიგოლაშვილი, კარალინა ავაქიანა, გიორგი ალადაშვილი, დიანა ტოროსიანი, იოანე კობაიძე და მაიკო ბიკაშვილი საკუთარი ინიციატივით გადაწყვიტეს წინასახალწლოდ მოეწყობათ ერთობლივი საქველმოქმედო აქცია ბაისუბნის ბავშვთა სახლის აღსაზრდელთათვის. შეაგროვეს თანხა, შეიძინეს ტკბილეული, საჩუქრები, მოაგროვეს

ტანსაცმელი. მათ ამ ინიციატივას გამოხმაურა დედოფლისწყაროს მუნიციპალიტეტის განათლების, კულტურისა და სპორტის სამსახურის უფროსი თამარ თამაზაშვილი და 9 წელიწადიანი ზამთრის ფესვაციული შეუძინეს ბავშვებს. 25 დეკემბერს კი გამგებელმა გივი გიგაურმა ტრანსპორტით და საწვავით უზრუნველყო ჯგუფი და პირადად გააცილა ისინი კეთილი საქმის საკეთებლად.

ბაისუბნის მცირე საოჯახო ტიპის სახლი უკვე ორი წელია ფუნქციონირებს. იგი პოლიურთი მოდელის მიხედვით აშენდა და ათ აღსაზრდელზე გათვლილი. მისი მუშაობის პრინციპი კი მდგომარეობს შემდეგში: ერთი ან ორი ბავშვის მიჯაჭვულობა ერთ აღზრდელზე. სახლის ლიდერია გამოცდილი სოც-აგენტი მაკო ბარბაქაძე. იგი წლების მანძილზე მუშაობდა მსგავსი ტიპის სახლების უფრო დიდ ინსტიტუტებში, დიდ კონტიგენტთან და ახლა დაგროვილ გამოცდილებას ახმარს ამჟამად მასზე მინდობილ ამ ცხრა აღსაზრდელს.

ორსართულიანი აგურის შენობა მალალი სტანდარტებით არის გაერომონტებული და ავეჯით მონაწილი. აქ მცხოვრებ თითოეულ ბავშვს ყველა პირობა აქვს შექმნილი, რომ თავი ოჯახურ გარემოში იგრძნოს. ისინი ყველაფრით უზრუნველყოფილი არიან. მათ მზრუნველობას არ აკლებს როგორც ჯანდაცვის სამინისტრო, ასევე მათი პროვაიდერი ორგანიზაცია - საქველმოქმედო ჰუმანიტარული ცენტრი „აფხაზეთი“. ბავშვები ძირითადად სიღარიბის ზღვარს მიღმა მყოფი ოჯახების ან ოჯახის განკარგვას უნარმოკლებული მშობლების შვილები არიან.

ამ დღეს ისინი მოუთმენლად ელოდნენ მათთან სტუმრად ჩასულ ხორნაბუჯის რუსულ-ქართული სკოლის

მოსწავლეებს. აქტიურად მიიღეს მონაწილეობა სტუმრების მიერ ჩატარებულ ღონისძიებაში, იმღერეს, იცეკვეს. თავიდან თითქოს საკუთარ სამყაროში ჩაკეტილები, სრულიად გაიხსნენ და ადვილად კონტაქტურები გახდნენ. როდესაც ჯერი საჩუქრების გადაცემაზე მიდგა, მათი სახეები მთლიანად ბრწყინავდა და უდიდეს მადლიერებასაც გამოხატავდნენ.

მაგრამ, ამ ყველაფრის მიუხედავად, უცხო თვალიც ადვილად შეამჩნევდა, რომ თითოეულს თვალი კარისკენ გაურბოდა. წინა დღეს ხომ არდა

დეგები დაიწყეს და დეგებს ელოდებოდნენ. ჩვენი იქ ყოფნის პერიოდში რამდენჯერმე შემოიხედა აღზრდელმა და დაიძახა:... წამოდი, დედა მოგივიდა!...

მათ სახეზე ამოკითხავდით, რომ მიუხედავად იმ დიდი მზრუნველობისა, რასაც მათზე „ჩემი სახლის“ აღზრდელები ეწევიან, გული მაინც იქით მიუწევდა, სადაც, თუნდაც ნაკლებად გამოხატული, მაგრამ მაინც თავიანთი ბიოლოგიური სითბო და სიყვარული ელოდებოდათ. თითოეული მათგანის „რას ინატრებდით?“ ხომ ასე ამოკითხავთ: „მე მინდა მქონდეს ჩემი სახლი და კვადროციკლი“, „მე მინდა მქონდეს დიდი და ლამაზი სახლი და ბევრი სათამაშო“, „მე მინდა მქონდეს ჩემი სახლი და მე, დედა, მამა და ჩემი დამამა ვცხოვრობდე ყველა ერთად“... დაე, თითოეულ მათგანს ახდენოდეს ეს ოცნება და ჩვენს ქვეყანას დაუდგეს დრო, როდესაც ბავშვთა სახლების საქართველო აღარ იქნება და ყველა პატარას ექნება საშუალება, საკუთარ სახლში, მშობლების მზრუნველობით და სიყვარულით გაიზარდოს.

ელზა ხარაშვილი



ღღას ზეიმი ახალი წლის

საახალწლო ზეიმი გაიმართა დედოფლისწყაროს №2 ბაგა-ბაღში, სადაც 3-4 წლიანი ჯგუფის ოცდაცხრა აღსაზრდელი საკონცერტო ნომრებით თამარ ალადაშვილი და შორენა ალუღიშვილი წარმოგვიდგინეს. ჩოხიანი ბიჭუნები და თეთრ კაბებში გამოწყობილი გოგონები, ასეთი გახლდათ მათი საახალწლო ზეიმის ფორმა, რასაც ვერცხლისფერი გირლიანდები და საახალწლოდ ბაღში დადგმული უზარმაზარი ნაძვის ხე ნამდვილ საახალწლო ელფერს აძლევდა. მართალია, მცირეწლოვან ბავშვებს პედაგოგებს ძალიან გაუჭირდათ შემუშავებული პროგრამის სრულყოფილად წარმოედგინა, რადგან ბავშვების უმეტესობამ სცენაზე გამოსვლა „ოუკადრისეს“ და ატირდნენ, მაგრამ ძირითადი მისია, რომ მათ მესიერებაში საახალწლო განცდები შემოიჭრას და ეს ემოცია მესიერებაში ჩარჩეთ, მაინც შესრულდა. ლექსებს ამბობდნენ ანი, მარი, ლიზი, ნინი, ერეკლე, გიორგი, პაატა. მერე ნაძვისხესაც შემოუბრინეს და თოვლისპაპასაც დაუძახეს, რომელმაც აღნიშნა, რომ შორი გზიდან, დათოვლილი მთებიდან მოდიოდა და ძალიან

დაიღალა, წვერი სულ დაეთოვლა, თუმცა ბავშვები მაინც არ დააღალატა და საჩუქრები მაინც მოუტანა მათ. სინამდვილეში ამ ლამაზი საახალწლო საჩუქრების ავტორი დედოფლისწყაროს მუნიციპალიტეტი და მუნიციპალიტეტის სკოლამდელი და სკოლისგარეშე სააღზრდელო ცენტრის გახლდათ, რომელიც ამ ზეიმს ესწრებოდა კიდევ და პატარების სიხარულს მთელი გულით ინანილებდა.

საახალწლო საჩუქრები სკოლამდელი და სკოლისგარეშე სააღზრდელო ცენტრისგან ყველა ბაღმა და ბაღში მოსარულე ბავშვმა მიიღო. ხოლო, ის ბავშვები, რომლებიც ჩარიცხულები არიან ბაგა-ბაღებში და სხვადასხვა მიზეზების გამო ამჯერად ვერ დადიან ბაღებში, მათთვის და საჯარო სკოლების პირველ, მეორე და მესამე კლასების მოსწავლეებისთვის დასარგებელი საჩუქრები მუნიციპალიტეტის კულტურის, სპორტის და ახალგაზრდულ საქმეთა ხელმძღვანელობამ კულტურის სამინისტროსგან მიიღო და ახალ სპორტულ დარბაზში გამართულ „ბასტი-ბუტუს“ ღონისძიებაზე დაურიგა ბავშვებს. საჩუქრები-

თავის მხრივ ყველა მშობელმა გამოხატა მადლიერება მათი ყოჩიანების მიმართ, იმ დიდი ყურადღებისთვის და სიკეთისთვის, რაც მან ბავშვებისთვის გააკეთა და ამავე დროს ბაღის პედაგოგებისადმი, თამარ ალადაშვილის და შორენა ალუღიშვილის მიმართ, რომლებიც მთელი წლის მანძილზე ძალიან დიდ ენერჯის ხარჯავენ იმისთვის, რომ მათი შვილები საკადრის პირობებში ამყოფონ და სათანადოდ აღზარდონ.

რამდენიმე დღეში ამავე ბაღში 4-5 წლიან(პედაგოგები თამარ ლომსაძე და ირმა

ხოზეურაშვილი) და 5-6 წლიან(პედაგოგები მათა გაგნაშვილი და მარინე ჯორჯოშვილი) ბავშვთა ჯგუფებშიც ჩატარეს წინასახალწლო ღონისძიება, სადაც ასევე მზრად შეიგრძნობოდა ახალ წელთან დაკავშირებული განცდები და საზეიმო განწყობა. ამით პედაგოგები პატარებს 2014 წლის 13 იანვრამდე დაემშვიდობნენ. 13 იანვარს კი ამ ბაგა-ბაღში სწავლე ჩვეული რიტმით აღდგება.

ლალი მხერიშვილი



სკოლულ დარბაზში „ასტი-ბუბუს“ სახალხო ზეიმი გაიმართა

27 დეკემბერს კულტურის სახლის მიმდებარე ტერიტორიაზე მდებარე ახალ სპორტულ დარბაზში საახალწლო ღონისძიება გამართეს დედოფლისწყაროს კულტურის სახლთან არსებულმა „ასტი-ბუბუს“ ანსამბლის ბავშვებმა (ხელმძღვანელი ნონა ჯიბლაშვილი). ღონისძიება თავად ანსამბლის ხელმძღვანელს ნონა ჯიბლაშვილს მიჰყავდა. მსახიობური ნიჭით დაჯილდოებული „ასტი-ბუბუს“ ბავშვები მცდელობას არ იკლებდნენ, რომ ღამაზად და ღამაზად წარმოეცინათ თავი. ისინი არაჩვეულებრივად ასრულებდნენ სასცენო ნომრებს. ღონისძიებას ჰყავდა თავისი მეკვლე და წითელქუდა, მერი პოპინსი, თოჯინები და ევროპელი გოგონები. პატარებმა იცოდნენ, რომ ცხენის წელიწადი მოდის და მალე სცენაზე ცხენზე ამხედრებული პატარა ბიჭუნებიც გამოჩნდნენ, რასაც შესაფერისი სიმღერაც მოჰყვა. აქვე გახლდნენ ჯამბაზები, რომლებმაც ცელქი ონავრობით და ხტუნვით არე-მარე აიკლეს. ღონისძიება გაალამაზა მღვინა ისმარლოვას შესრულებ-

ულმა სიმღერებმა. არაჩვეულებრივი საღამო, სადაც ჩვენი რაიონის პატარებმა ბევრი იმხიარულეს, თოვლის პაპის საჩუქრების დარიგებით დასრულდა. საჩუქრები კი, მათთვის დედოფლისწყაროს მუნიციპალიტეტის სკოლამდელი და სკოლისგერეშე სააღმზრდელო ცენტრის და საქართველოს კულტურის სამინისტროს მიერ იქნა გამოგზავნილი. „აღნიშნული საახალწლო ღონისძიება ძირითადად იმ ბავშვებისთვის ჩატარდა, ვინც ბაგა-ბალებში ჩარიცხულია, მაგრამ ბალებში მიმდინარე სარემონტო სამუშაოების გამო ამჯერად ვერ დადიან ბალებში. სკოლამდელი აღზრდის სააგენტომ საჩუქრები და ვარიანტი იმ ბავშვებზე, ვინც ბალებში აქტიურად დადიოდნენ. მათ კი, ვინც ირიცხვებოდნენ ბალებში, მაგრამ ვერ დადიოდნენ, კულტურის სამინისტროს საჩუქრები შეხვდათ, კულტურის სამინისტროს საჩუქრები და ურიგდათ ასევე პირველი, მეორე და მესამე კლასის მოსწავლეებსაც. ამ ყველაფრის ორგანიზებაში კი, დიდი ძალისხმევა ჩადეს რაიონის გამგებლის

მოვალეობის შემსრულებელმა გიორგი გიგაურმა და საკრებულოს თავმჯდომარემ ლევან ნატროშვილმა, ასევე დიდი მადლობა მინდა გადავუხადო ნინო ბახუტაშვილს, რომელმაც დაგვივითმო სპორტული დარბაზი და ეს ღამაზი ღონისძიება მოაწყო ბავშვებისთვის.“-აღნიშნა ჩვენთან საუბარში სკოლამდელი და სკოლისგარეშე სააღმზრდელო ცენტრის დირექტორმა მაია ყოჩიაშვილმა და ყველა პატარას კიდევ ერთხელ მიულოცა დამდეგი ახალი წელი. მანვე აღნიშნა, რომ წელს ბაგა-ბალებისთვის გააკეთა მაქსიმუმი, რაც შეიძლებოდა, „წელს გავაკეთე ის მაქსიმუმი, რითაც კი შეიძლებოდა, რომ პატარების საკვები მენიუ გამეუმჯობესებინა, მომავალი წლისთვის ამ კარგ მენიუსთან ერთად სიახლეა, ისიც, რომ ბალის მენიუში ხილი შევიტანე, რაც ჩემი დიდი სურვილი იყო წინა წელსვე განმეხორციელებინა, მაგრამ გარკვეული მიზეზების გამო ვერ მოვხერხე.“

ღონისძიების დამთავრების შემდეგ საჩუქრებით ხელდამშვენებული ბავშვები და მო-



ბლები კმაყოფილებას გამოხატავენ ამ საზეიმო განწყობის შექმნისთვის და საჩუქრებისთვის, ისინი აღნიშნავენ, რომ ასეთი ღამაზი და საჩუქრებით სავსე ახალი წელი არასოდეს ჰქონიათ. ბასტი-ბუბუს ბავშვთა სტუდია კი, დედოფლისწყაროს პატარებს 7 იანვრამდე, შობის დღესასწაულამდე დაემშვიდობა. აქვე აღნიშნეს, რომ

შობის დილას პირველ საათზე საზეიმო მსვლელობა მოეწყობა, სადაც ისინი კვლავ შეხვებიან და შობა-ახალწელისადს მიულოცავენ სათნოების სახლის ბინადართ.

ღონისძიებას ესწრებოდა მუნიციპალიტეტის ხელმძღვანელობა.

ლალი მხრიშვილი

ინტელექტუალთა ფინალური შეხვედრა



ზონებს შორის ჩატარებული ტურების შედეგად, გამარჯვებული სამი გუნდის გუნდის ფინალური შეხვედრა გამართა დედოფლისწყაროს მუნიციპალიტეტის სპორტულ დარბაზში მოსწავლე ახალგაზრდობის სახლმა. ამჯერად ინტელექტუალური პაექრობა დედოფლისწყაროს პირველ საჯარო სკოლის ანუ- „პეს“-ს (პირველი ელემენტარული სკოლა), გამარჯვების საჯარო სკოლის- „გამარჯვებას“ და ქვემო ქედის საჯარო სკოლის „ვევ“ (სამი ვე) გუნდებს შორის გაიმართა. შეჯიბრი სამ ტურიანი გახლდათ, პირველ ტურში ათი ქულით ლიდერობდა პირველი საჯარო სკოლა, 6 ქულით გამარჯვების საჯარო სკოლა, ხოლო ხუთი ქულა მიიღო ქვემო ქედის საჯარო სკოლამ, ამის მიუხედავად ილბიანი და წარმატებული აღმოჩნდა მეორე ტური ქვემო ქედის საჯარო სკოლისთვის, რომელმაც მეორე ტურში ათი ქულა მოიპოვა, აქ რვა ქულა აიღო „პეს“-მა, ხოლო 3 ქულა „გამარჯვებამ“, მესამე და ბოლო ტურში წარმატებით გამოვიდა გამარჯვების საჯარო სკოლა ცხრა ქულით, რვა ქულა მოიპოვა პირველმა სკოლამ, ხოლო ხუთი ქულა ქვემო ქედის „ვევ“-მ მიიღო, საბოლოო შედეგებით გამარჯვება

დედოფლისწყაროს საჯარო სკოლა „პეს“-მა ოცდაექვსი ქულით მოიპოვა. ოცდაერთი ქულით მეორე ადგილზე გავიდა ქვემო ქედის საჯარო სკოლა, ხოლო მესამე ადგილს დასჯერდა გამარჯვების საჯარო სკოლის გუნდი.

გარდა ჯგუფური შეჯიბრებისა ზონალურ ტურებშიც და ფინალურ შეხვედრაზეც წარმართა სკოლებს შორის ინდივიდუალური შეჯიბრებაც, რომელსაც თავად სკოლების გუნდი თავად ასახელებდა. ინდივიდუალური შეჯიბრებების დროს ზოგადი განათლების მაღალი დონის გამომყდავებით გამოიკვეთა ასევე სამი ლიდერი არხილოსკალოს მოსწავლე თამთა თინაშვილი, რომელმაც ხუთი კითხვიდან ოთხს სორად გასცა პასუხი, არბოშიკელმა ამირან ბატიაშვილმა და სამრეკლოს საჯარო სკოლის მოსწავლემ ნიკა ძმანაშვილმა, რომელმაც ხუთი კითხვიდან ხუთივეს სწორად გასცა პასუხი. მესარჩე ტურებში ფიურის სიმპათია გახდა ხორნაბუჯის საჯარო სკოლის მოსწავლე გოგა ნიკლაური. ხოლო ამჯერად, ფინალურ შეხვედრაზე ფიურის სიმპათია გახდა ქვემო ქედის გუნდის წევრი დავით მარაული, რომელმაც ძალიან კარგი პროკლამატორობით ნაიკითხა ლექსი „ჩქა-

რი მატარებელი“.

ფინალური ტურის ფიურის წევრები გახლდნენ, მუნიციპალიტეტის საკრებულოს თავმჯდომარის მოადგილე ვეფხია ნატროშვილი, მუნიციპალიტეტის გამგებლის მოადგილე აკაკი ნატროშვილი, მოსწავლე ახალგაზრდობის სახლის სპეციალისტი ლია ნატროშვილი, ხოლო ფიურის თავმჯდომარე გახლდათ თავად მოსწავლე ახალგაზრდობის სახლის დირექტორი ქალბატონი ირმა ბენაშვილი. ღონისძიება მიჰყავდა არაერთი ამგვარი ღონისძიების მონაწილესა და ნამყვანს, ღვანთმოსილ ქალბატონს, მოსწავლე ახალგაზრდობის სახლის უფროს სპეციალისტს თამარ ლაპიაშვილს.

რაც შეეხება დაჯილდოებას, პირველ ადგილზე გასული გუნდის ყველა წევრი დაჯილდოვდა დედოფლისწყაროს მუნიციპალიტეტის სამაგიდე გერბით, ხოლო კაპიტანს გადაეცა მოოქროვილი მედალი დედოფლისწყაროს გერბის გამოსახულებით. მოოქროვილი მედალით დაჯილდოვდა ასევე ინდივიდუალურ ფინალურ შეხვედრაში მონაწილე თამთა თინაშვილი.

ინტელექტუალური თამაში ცეკვა „ქართულით“ გაიხსნეს ანსამბლ „შირაქის“ (ქორეოგრაფი ალექსანდრე გარბიელაშვილი) მოცეკვავეებმა ანი ცალახესამვილმა და გურამ გოგილაშვილმა. ამავე ანსამბლის შემსრულებლებით გვიჩვენეს ცეკვა „ყაზბეგური“. ინტელექტუალური თამაშებიც ამხნევებდნენ მათი გულშემოტივარი სკოლის მოსწავლე-

ბი, რაც ტურებს შორის მათ მოერ სიმღერის შესრულებაში და ლექსების წარმოთქმაში გამოიხატებოდა.

ღონისძიებას ესწრებოდნენ სკოლამდელი და სკოლისგერეშე სააღმზრდელო ცენტრის დირექტორი მაია ყოჩიაშვილი, გამგებების კულტურის, სპორტის და ახალგაზრდულ საქმეთა ხელმძღვანელი თამარ თამაზაშვილი, ამავე სამსახურის უფროსი სპეციალისტები ნანული ნატროშვილი და ია ბუნტური.

რადგანაც ფინალური შეხვედრა წინასახალწლო დღეებს დაემთხვა, მოსწავლე ახალგაზრდობის სახლი დირექტორმა ისარგებლა შემთხვევით და მიულოცა რაიონის ყველა მოსწავლეს დამდეგი ახალი წელი, სიკეთე და წინსვლა უსურვა ყოველ მათგანს სასწავლო შემოქმედებით საქმიანობაში და ამასთან გასული სასწავლო წელიც შეაფასა. —„გასული სასწავლო წელი მოსწავლე ახალგაზრდობის სახლისთვის შემოქმედებითად დახუნძლული გახლდათ. მოვანყეთ ზონალური ინტელექტუალური ტურები, რამაც მოსწავლეებში

დიდი აღფრთოვანება გამოიწვია და აქტიურად ჩაერთვნენ ჩვენს მიერ ინიცირებულ ყველა ღონისძიებაში. გარდა ამისა ჩვენს სერვისცენტრში უამრავი სასიკეთო სიახლეც დაინერგა, გავსხენით ხელსაქმის შემსწავლელი ჯგუფი, მოსწავლეები, ვისაც სურვილი აქვს ხელსაქმის და თექაზე მუშაობის პრინციპებს, რასაც ჩვენი თანამშრომელი ლია ნატროშვილი, ახორციელებს, ასევე გვაქვს ინგლისურის და მათემატიკის წრეები, რაც შეეხება კომპიუტერების პროგრამების შესწავლას, თუ აქამდე იყო ფასიანი ჯგუფები, ამჯერად უფასოდ შეუძლიათ მოსწავლეებს კომპიუტერის ათვისება. მომავალ წელსაც უამრავ სიახლეს ვგეგმავთ. კიდევ ერთხელ ვულოცავ თითოეულ მოსწავლეს დამდეგ 2014 წლის შემობრძანებას, ყოფილიყოს ეს წელი მათთვის კიდევ უფრო შემეცნებითი, ნაყოფიერი და წარჩინებული!“-აღნიშნა ჩვენთან საუბარში მოსწავლე ახალგაზრდობის სახლის დირექტორმა ირმა ბენაშვილმა.

ლალი მხრიშვილი



მონატრება

თაგარ ფხოველიშვილი



1965 წლის 11 დეკემბერს ქალაქ ნითელნ-ყაროში, ერთ-ერთ ოჯახში ნანატრი გოგო დაიბადა. მარო ქადაგიძესა და ვასილ ფხოველიშვილს ორი ვაჟიშვილის შემდეგ და-

მტირებელი გაუჩნდათ, მაგრამ ვაი, რომ პირიქით მოხდა.

დაიბადა თეთრი, ფითქინა, ლამაზი ასული-თამარ ფხოველიშვილი, რომელმაც ისე იცხოვრა, თვალში რომ ჩაგვარდნოდათ, ხელს არ ამოიხვამდით.

1989 წლის 11 სექტემბერს, უკვე მასწავლებელმა, სრულიად ახალგაზრდამ, გაზაფხულივით შემოანათა მშობლიურ სკოლაში და მას შემდეგ უდრტივნივლად გასწავლა პედაგოგის მძიმე ჭაპანი. მუშაობის დაწყების დღიდან სახელი გაითქვა თავისი პროფესიონალიზმით. შეიყვარა ბავშვი და მისი გულის მესაიდუმლე გახდა. განათლება და მოსწავლე-აი, თამარიკოს ღმერთთან შეთანხმებული ურთულესი საქმის მთავარი საიდუმლო! უფალმა დააჯილდოვა უამრავი საუკეთესო თვისებით, აღსაზრდელებისათვის თავად იყო პირადი მაგალითი.

გადიოდა წლები... შრომასა და გარჯაში ატარებდა თამარიკო დროს, ჭკვიანი და გონიერი მოძღვარი ღირსეულად იხარჯებოდა ღირსეულ საქმეში.

მაგრამ, "ხანგრძლივ ეს სოფელი, გაახარებს ვინმეს განა?" 2012 წლის 26 დეკემბერს, ოთხშაბათს, დილით თავზარი დაეცა რაიონს. უმაღ, ელვის სისწრაფით გავრცელდა შემზარავი ამბავი, თამარიკო აღარ არისო, უფრო სწორედ, ჩვენი მონატრებული მეგობარო, მეხის ნატყვად იქეცი, ღრუბლებს მოსწყდით და ჩვენს ჩასაფრებლად ჩამოვარდით!

მილია ერთი წელი, ვეღარ დატკბი სურნელოვანი გაზაფხულით, თაკარა მზით გამთბარი ზაფხულის არდადეგებით ვეღარ ისარგებლე, ბარაქიანი შემოდგომაც შენ გარემე მიზინავდა, თეთრ სამოსში გახვეული ქალაქიც უშენოდ სუნთქავს. ერთი სიტყვით, ცხოვრება გრძელდება, დრო მიდის, მაგრამ ჩვენს გულში დაჩენილი ჭრილობა მოუშუშებელია, ჩემო თამარიკო, უკურნებელია მონატრება.

დღესაც თვალწინ გვიდგა შენი ღიმილიანი სახე, ჩაგვესმის შენი ალერსით სავსე სიტყვები, გვეჩვენება, თითქოს დგახარ სამსწავლებლოში ფანჯარასთან, შენთვის დამახასიათებელი სიცილით გველაპარაკები... ისევე ჩაფლუხარ რეველებში და მათემატიკის ცოდნას უმოწმებ ბავშვებს... პედაგოგზე უკანა მერხზე მოკალათებულხარ და ხანდახან საკუთარ აზრს აფიქსირებ ამა თუ იმ საკითხთან დაკავშირებით, დაფასთანაც გხედავთ, ცარცით ხელში, პითაგორას თეორემას ამტკიცებ... არც შენი მორიგეობა გვაფიქვდება, გამოსვლის ხარს რეკავ და აფრიაბულებული გოგო-ბიჭების სიხარულით ხარობ... მერე? მერე ეხვევი წავის ქურქებში და გვემშვიდობები.

25 დეკემბერსაც ასე დაგვემშვიდობე, ოღონდ საბოლოოდ... ნახვედი და სამუდამოდ გაიხურე სკოლის კარი, უკანასკნელად აიარე შენი სახლისკენ მიმავალი აღმართი...


ძალიან ცოტა იკმაზე კარგო მეუღლე

და მზრუნველო დედა, მოხუცი მშობლების დიდი იმედო და ერთგული მეგობარო, ფხოველიშვილების სიკეთით აელვარებული ქალიშვილო და პაპუაშვილების საყვარელო პატარძალო, თავმდაბალო მოქალაქე და ღვთისნიერო ქალბატონო- დიდხანს შემოინახავს შენს სახელს შენი მშობლიური დედოფლისწყარო. შენი დაზრდილი მომავალს მოუყვებიან, იყო პირველ სკოლაში მათემატიკის ბრწყინვალე მასწავლებელი და დაფინყების ბურუსი ვერ დაგფარავს, ბინდი ვერას დაგაკლებს. უყვარდი ყველას-ეს ხომ

უდიდესი საზღაურია! მზის სისტემისკენ ნადრევად წასული ქალო, გვენამს, სამოთხეში დაიდებდი ბინას და გვეჯერა, რომ შენი სული, ახალ, "იმქვენიურ" ცხოვრებას შეჭიდებული, უკვდავების გვირგვინითაა გაბრწყინებული! უკვდავების, რადგან სიკვდილი ყოველთვის დასასრულს არ ნიშნავს! არა და არა!

გაცვალა პაპუაშვილი- დედოფლისწყაროს პირველი საჯარო სკოლის სახლით

ზაზა ტოკლიკიშვილი



26 დეკემბერს უკვე მეხუთედ ვხვდებით უშენოდ, ზაზა! 37 წლის ასაკში გამოგვეცალე და მარადიული სასუფეველი ნადრევად არჩიე. ამბობენ, უფალს

თავისთან საუკეთესოები მიჰყავსო. შენც, ალბათ იმ საუკეთესოთა რიცხვს მიეკუთვნებოდი, რადგან უფალმა აგორჩია და თავისთან წაგიყვანა. ოთხი წელი გავიდა და მეხუთედ მოვიდა შენი დაბადების დღე უშენოდ. დრო მკურნალიაო, მაგრამ შენი დაკარგვით გამოწვეული

ტკივილი თანდათან გაუსაძლისი ხდება, ძალიან გვენატრები, გვიჭირს უშენობა და შენს გარეშე ცხოვრება მოსაწყენი გახდა. თბილი, კეთილი და კაცთმოყვარე ყველას მიმართ სიყვარულით ანთებული, ბავშვით გულწრფელი და ალალი იყავი, დაბადების დღეც ბავშვით გიხაროდა. უზომოდ ენატრები შენს მშობლებს, დებს, მეგობრებს, რომლებიც ყოველთვის მოდიან შენს საფლავზე და გინთებენ სანთლებს.

შენს სახელს დაფინყება არ უნერია, ზაზა. ღმერთმა ნათელში ამყოფოს შენი ლამაზი სული.

თაგარ ტოკლიკიშვილი, ლუკა და ამირან ძისტაშრაძე.

გელა გიგაური



სამინლად იგრძნობა უშენობა ჩვენს სახლში.

გვენატრება შენი ღიმილი შვილო, შენი ვაჟკაცური ფაციფუცი, შენი რძალი მაკა უდიდეს პატივს გცემდა, სულ იმას ტირის, ჩემი მაზლი გელა და ბავშვებს უნერგავს შენს დიდ სიყვარულს. პატარა გიგა ღიმილით გადღეგრძელებს და ამბობს: კიდევ მოვა ჩემი ბიძაო!

ენატრები შვილო შენს უბანს, სამოსს, სანათესაოს. 8 იანვარს 41 წელი შეგისრულდებოდა. შენს ლამაზ საგანეს მუდამ ამსვენებს მყუდრო გარემო, მოდიან ბიჭები და მუდამ გიხსენებენ შესანდობარით. ახლაც მოვალთ შვილო და მოგილოცავთ სიცოცხლედარულულ 41 წლისთავს. ილოცე ყველასთვის გელა, ყველას ხომ სამინელი მონატრება დაგვიტოვე.

ბ-ული დამძიმდა ამდენი ფიქრით ქ-რთი სიცოცხლე აბა რად მიღის?!

ლ-ოცვით გიხსენებთ, უშენოდ მაჭირს,

ა-სე ლოცვებში ისევ შენ გიცდით.

დამწერებული დედა ციცო გიგაშვილი-მსტანაშვილი.

გამოსათხოვარი

ჟუჟუნა ჩალახევაშვილი-ოზაშვილი



არ დაგვივინყონ. სწორედ ასეთი იყო ჩვენი კოლეგა, საოცრად თბილი, კომუნიკაბელური, მხნე, იმედიანი, მრავალი თაობის აღმზრდელი, ღვანღმოსილი პედაგოგი-ჟუჟუნა ჩალახევაშვილი. ძნელია წარსულში ილაპარაკო აღამიანზე, რომელიც ერთ დროს ჩვენს გვერდით იყო, იცინოდა, ხარობდა მოსწავლეთა წარმატებით.

ქალაქ თბილისის პუშკინის სახელობის პედაგოგიური ინსტიტუტის დამთავრების შემდეგ 1961 წელს ქალბატონმა ჟუჟუნა ჩალახევაშვილიმა მუშაობა დაიწყო ოზანის საშუალო სკოლაში და 2010 წლამდე ღირსეულად ასრულებდა იმ მეტად რთულ, საპასუხისმგებლო საქმეს, რასაც პედაგოგობა ჰქვია. მან შეასწავლა მრავალ თაობას მშობლიური ანბანი. სწორედ თავდადებუ-

ლი შრომის შედეგია ის დიდი ავტორიტეტი და სიყვარული, რომლითაც ჟუჟუნა მასწავლებელი სარგებლობდა არა მარტო კოლეგებში, არამედ მოსწავლეებში, მშობლებსა და სოფელში.

ის იყო მაგალითი ახალგაზრდა მასწავლებლებისათვის, მაგალითი პროფესიონალიზმის, მოქალაქეობის, საქმისადმი ერთგულებისა და თავდადებისა. იყო საუკეთესო დედა, მზრუნველი ბები, ერთგული მეგობარი და კოლეგა.

ჩვენო ჟუჟუნა მასწავლებლო, იძინეთ ტკბილად, გნამდეთ სიკვდილი ვერაფერს დააკლებს იმ სახელსა და სიყვარულს, რაც თქვენ დაგვიტოვეთ. უფალს ვთხოვთ, თქვენს თბილსა და ლამაზ სულს არ მოაკლოს ნეტარება, ჩვენგან დანთებული სანთლები კი გაგინათებთ გზას მარადისობისაკენ.

ოზანის საჯარო სკოლის პედაგოგი ჟუჟუნა ჩალახევაშვილი

მონატრება

ლუიზა ჩაილაშვილი-ყოჩაშვილი



წარსული დღეების მოსაგონებლად გინთებთ წმინდა სანთლებს. თითქოს ახლაც ყურში ჩაგვესმის შენი სიტყვები: "გენაცვალოთ დედა! ხომ არაფერი გტკივთ, ხომ არაფერი განუხებთ". ძალიან გვანუხებებს და ძალიან გვტკივა უშენობა. მძიმე ავადმყოფი, სარეცელს მიჯაჭვულიც ცდილობდი ჩვენს მოფერებას, არ იმჩნევდი გაუსაძლის ტკივილებს, ოჯახის წევრები არ შევანუხებო. უშენობას ძალიან განიცდის მამაც, რომელიც გულჩათხრობილი და სიტყვაძუნი გახდა.

ძალიან გვაკლიხარ ჩვენი ლამაზო, კარგო, კეთილო, მოსიყვარულე დედა. ყოველი დღე გტკივა უშენოდ, ყველაზე მწარე კი ის არის, რომ ვიცით, განუკურნებელია ეს ტკივილი. შენ ხომ აღარასოდეს შემოაღებ კარს და გაგვასარებ შენი მოსვლით. გვენატრები სულით მდიდარო, სიკეთით და სიყვარულით სავსე.

შენს ხსოვნას დაფინყება არ უნერია. არ მოგაკლებთ ხსენებას, სათელს და ლოცვას. ჩვენი დანთებული სანთლები გინათებდეს სასუფეველს.

შენი შვილები: ღიმიტრი და ნონა ყოჩაშვილები.

წელი სულაშვილი, ომარი, გიორგი, მარიამი ალადაშვილები ღრმა მწუხარებით იუნყებიან ზაურ ნიკოლოზის ძე სულაშვილის და ვიქტორ იოსაშვილის გარდაცვალებას და თანაგრძნობას უცხადებენ მათ ოჯახებს.

მუნიციპალური საბიბლიოთეკო გაერთიანება სამძიმარს ვუცხადებთ თინიკო ელაშვილს დეიდაშვილის თამარიკოს და დეიდაშვილის შვილის ნინოს გარდაცვალების გამო.

თარაშვილი მერი, ნატროშვილი ნანული, შალვაშვილი სვეტა, ღარიბაშვილი ეთერი, ხუციშვილი ციური, ნანობაშვილი ქეთინო, დარჩიაშვილი ციცო სამძიმარს უცხადებენ ნანა შანშიაშვილს დის ბულო შანშიაშვილის გარდაცვალების გამო.

ქალაქ დედოფლისწყაროს N1 საჯარო სკოლის XII-ბ კლასის მოსწავლეები, კლასის ხელმძღვანელი ლალი აბაშიძე და მოსწავლეთა მშობლები თანაგრძნობას უცხადებენ მზიკო ბენაშვილს ბებიის მზია ნატროშვილის გარდაცვალების გამო.

როგორ იქნება 2014 წელი ზოდიაქოს ნიშნებისთვის?

აღმოსავლური კალენდრის მიხედვით, მალე 2014 წელი დადგება. სჯერა თუ არა, ყველა ცდილობს, ახალ წელს ისე შეხვდეს, როგორც ასტროლოგები გვიჩვენებენ ხოლმე. იმის გასარკვევად, როგორ იქნება 2014 წელი და რა უნდა გავაკეთოთ იმისთვის, რომ მთელი წელი წარმატებული იყოს, ასტროლოგ დავით ბუტიკაშვილს მივმართეთ.

დგება ლურჯი ცხენის წელიწადი. ჩინელები 2014 წელს ხის ლურჯი ცხენის წელიწადს ეძახიან. შესაბამისად, მთელი წლის განმავლობაში დომინანტი ფერი ლურჯი იქნება. წლის პირველ ნახევარში, 17 ივლისამდე ადამიანებისთვის წარმატების გარანტი ის გახდება, რამდენად შეძლებენ იმ გარემოებებთან შეგუებას, რასაც მათ ცხოვრება შესთავაზებს. მომავალი წელი იყოფა ორ ნაწილად, რადგან 17 ივლისს წლის მმართველი პლანეტა იუპიტერი იცვლის პოზიციას. ამ თარიღის მერე, წლის მეორე ნახევარი, ადამიანებმა მხიარულად უნდა გაატარონ. ეს პერიოდი წარმატებული იქნება ოპტიმისტი ადამიანებისთვის, ამიტომ პესიმისტებს ვურჩევ, ვექტორი შეცვალონ და რაც უფრო მეტად იქნებიან ორიენტირებული ცხოვრებიდან სიამოვნების მიღებაზე, მით უკეთესად განვიტარებთ მათი ცხოვრება.

ცხენის წელი ადამიანებისგან რაც შეიძლება დიდ დინამიკას მოითხოვს. ის, ვინც მარტოობისკენ არის მიდრეკილი, მომავალ წელს ისე გაატარებს, რომ სასიკეთოს ვერაფერს მიიღებს. ვინც ცვლილებას ეძებს და უყვარს, მისთვის წარმატებული წელი იქნება.

საქართველოსთვის 2014 წლიან მნიშვნელოვანი და კარგი წელიწადი იქნება.

წლიან იქნება. 17 ივლისის მერე ექსპანსიის მმართველი პლანეტა იუპიტერი შედის საქართველოს მმართველ პლანეტა ლომში, ამიტომ ამ პერიოდში მოსალოდნელია მნიშვნელოვანი ცვლილებები საგარეო პოლიტიკაში, რადიკალური კუთხით. საგარეო პოლიტიკა იმდენად კარგად დაბალანდება, რომ ყველა კმაყოფილი იქნება და საზოგადოებაში მეტი ოპტიმიზმი გაჩნდება. წლის პირველი ნახევარი საზოგადოებაში არსებული პრობლემების მოგვარებისთვისაა განკუთვნილი. სახელმწიფოსთვის კარგი პერიოდი წლის მეორე ნახევარში დადგება.

როგორ იქნება ცხენის წელი სხვა წლებში დაბადებული ადამიანებისთვის?

ვირთხის წელს დაბადებული ადამიანებისთვის ცხენის წელი წარმატებულია. მომდევნო წელი მათ საშუალებას მისცემს, არაფერზე ინერვიულონ და არ იდარდონ. ყველაფერი თავისთავად მოგვარდება. პრობლემური და სადავო საკითხები, რომლებიც მანამდე აწუხებდათ, მომავალ წელს ისე ადვილად მოგვარდება, რომ გაუკვირდებით.

ხარის წელს დაბადებულ ადამიანებს ცხენის წელი არ მისცემს დასვენების საშუალებას. სულ დინამიკურ მდგომარეობაში უნდა იყვნენ, გაჩერება არ შეიძლება. როგორც კი ხარი ჩათვლის, რომ მის ცხოვრებაში ყველაფერი აეწყო და გაჩერდება, რასაც მანამდე მიაღწია, წგრევას დაიწყებს, ამიტომ ხარის წელს დაბადებული ადამიანი მუდამ დინამიკაში უნდა იყოს.

ვეფხვის წელს დაბადებული ადამიანებისთვის მთავარია,

მიავნონ და აღმოაჩინონ სწორი საყრდენი. დამოუკიდებლად ვეფხვს რაიმეს შექმნა გაუჭირდება. თუ საყრდენს იპოვის, მომდევნო წელი მისთვის წარმატებული იქნება.

კატის წელს დაბადებული ადამიანი მთელი წელი იქნება მშვიდად. სიმშვიდე და მუდმივი მცდელობა, მოაგვაროს პირადი პრობლემები, ამ წელს წარმატებას მოუტანს. რაც მეტს იფიქრებს საკუთარ თავზე, მით წარმატებული იქნება.

დრაკონის წელს დაბადებული ბულებისთვის ტრიუმფალური წელი იქნება. ცხენი და დრაკონი კარგი წყვილია. თუ დრაკონს აქამდე რაიმე პრობლემების დაძლევა უხდებოდა, მათ შორის დრაკონის წელსაც კი, ცხენი ამ პრობლემების სწრაფად დაძლევის საშუალებას მისცემს.

გველის წელს დაბადებულებს შესაძლებლობა ექნებათ, თავიანთი ინტელექტუალური უპირატესობა წარმოაჩინონ ყველა დონეზე და საკუთარი გონებისა და სიბრძნის წყალობით გაიმარჯვონ ყველაფერს.

ცხენის წელს დაბადებულებისთვის საუკეთესო წელია. მათ ხელი მოემართებათ თავიანთი საუკეთესო თვისებების წარმოჩენაში. გარეგნობიდან დაწყებული საქმიანობით დამთავრებული ყოველთვის ყურადღების ცენტრში იქნებიან. ცხენის წელს დაბადებული მსახიობები ძალიან ბევრ როლს მიიღებენ, პოლიტიკოსები კი პოპულარულები გახდებიან.

თხის წელს დაბადებულებს

განსხვავებულ სფეროებში მოუწევთ აქტიურობა. თვითონაც გაუკვირდებით, ცხოვრება იმდენად ადვილად გადაადგება, მაგრამ საბოლოო ჯამში, წლის ბოლოს ყველაფერს თავს მოუყრიან და საუკეთესო შედეგს მიიღებენ.

მაიმუნის წელს დაბადებულებისთვის სიამოვნებისა და გაერთობის წელი იქნება. მათ თავიდან ბოლომდე გაუმართლებთ. მათ მაიმუნობას ყურადღებას მიაქცევენ და აქედან სიამოვნებას მიიღებენ.

მამლის წელს დაბადებული ადამიანები თუ ოჯახს შექმნიან, წარმატებას მიიღწევენ. ოჯახი ვისაც აქვს, ისინი ბედნიერები იქნებიან. მომავალ 2014 წელს მამლები ადვილად მიიღწევენ წარმატებას სადავო იურიდიულ საკითხებში. მამალს თავისუფლად შეუძლია, ჩაერთოს ნებისმიერ დავაში და დარწმუნებული იყოს, რომ ამ დავას აუცილებლად მოიგებს.

წლის დასაწყისში ძალის ნელში დაბადებული ადამიანი შეიძლება, სიძნელეებმა შეაშინოს. გაბრაზდეს და გადაწყვიტოს, თავიდან შტურმით მიუდგეს სიძნელეებს, რაც მომავალ წელს აუცილებლად ექნება, თუმცა მას ასე მოქცევა არ ვურჩევ, რადგან ბევრ ენერჯის დაკარგავს და საბოლოო ჯამში სიძნელეებს ვერ დაძლევს. ძალმა ცხენის წელიწადი კარგად რომ გაიაროს, უნდა ეცადოს, სიძნელეები შემოვლითი გზით გადალახოს. შესაძლოა, ამას მეტი დრო დასჭირდეს, მაგრამ ეს გზა გაცილებით გაამართლებს.

ლორის წელს დაბადებული ადამიანისთვის მომდევნო წელი უხვი იქნება. შეიძენს ავტომობილს, ბინას და ა.შ. უხეშად რომ ვთქვათ, გაძლება. ლორის წელს დაბადებული ადამიანი 2014 წლის ბოლოს იტყვის, რა ოცნებებიც მქონდა, ყველა ამისრულდაო.

მერი კომპაზილი ურუნალი „რეიტინგი“



უ ლ ო ც ა ვ ე ნ !

მარინა ყორანაშვილს, ბარიალ ღარიბაშვილს!

გილოცავთ შვილის, ირაკლის ასეთ მაღალ თანამდებობაზე დანიშვნას, სულ წინსვლა ჰქონდეს ყოველგვარ საქმიანობაში. არა მარტო თქვენთვის არის საამაყო შვილი, არამედ მთელი ჩვენი რაიონისთვის. ტყუილად არ არის ნათქვამი, "ის ურჩენია მამულსა, რომ შვილი სჯობდეს მამასა". სწორედ თქვენს შემთხვევაში ასეა. ვინაიდან ცოლიც და ქმარიც იყავით დაფასებული თქვენს თანამშრომლებთან, გამოირჩეოდით სიყვარულის და სიკეთის კეტების ნიჭით. გილოცავთ წინასწარ დამდეგ შობა-ახალ წელს.

ციციანო გონაშვილი

ბარიალ ღარიბაშვილს, ირაკლი შიოლაშვილს, მიხეილ ბახუბაშვილს!

გილოცავთ დამდეგ 2014წელს! ბედნიერების მომტანი იყოს ეს ახალი წელი თქვენი ოჯახებისთვის, შვილების და შვილიშვილებისთვის. მაღალმა ღმერთმა დაგაჯილდოვათ თქვენ მაღალადამიანური თვისებებით: კეთილშობილების, სხვისი პრობლემების გათავისებისა და ხალხის ტკივილის მოსმენის უნარით. წინასასახლწლო დღეებში ჩვენ, სოფელ ხორნაბუჯის საჯარო სკოლის რუსული სექტორის პირველი კლასის მშობლები და კლასის ხელმძღვანელი ჟანა ბაბაიანი კიდევ ერთხელ გიხდით მადლობას ჩვენი შვილების ოცნებების ასრულებაში თქვენს მიერ შეტანილი წვლილის და თანადგომის გამო.

ბარაქა, სიხარული, სიყვარული თქვენ და მთლიან საქართველოს!
დიდი პატივისცემით
სოფელ ხორნაბუჯის საჯარო სკოლის რუსული სექტორის პირველი კლასის მშობლები, კლასის ხელმძღვანელი ჟანა ბაბაიანი.

ოლიკო ლეკაშვილს!

ჩვენს საყვარელო ოლიკო, გილოცავთ თბილისის ივანე ჯავახიშვილის სახელობის სახელმწიფო უნივერსიტეტის ქიმიის აკადემიური დოქტორის წოდებას. გისურვებთ დიდ სიხარულსა და ბედნიერებას შენს საყვარელ ქმარ-შვილთან ერთად. სულ წარმატებით გველოს ცხოვრების გზაზე. გვფარავდეთ უფალო.

ღეღა - გულიკო ბაგრატიანი-ლეკაშვილი, და-ნინო ლეკაშვილი.

ბარბარე ჩიტიშვილს!

გილოცავთ დაბადების დღეს, გისურვებთ ჯამრთელობას, ბედნიერებას. გაზრდილიყავი პაპა-ბებების სასახელო გოგო, რომ ეამაყოთ შენით. ღმერთის მფარველობა ნუ მოგკლებოდეს!

პაპა და ბები- ვალიკო და მერი ჩიტიშვილები.

საქარო იაკობიშვილს!

გილოცავთ საიუბილეო 80 წლისთავს, გისურვებთ დიდხანს სიცოცხლეს, ჯანმრთელობას, ყოფილიყავი სიცოცხლის ბოლომდე ასეთი ყოჩაღი და ენერგიული. გისურვებთ ბედნიერებას შენს დიდ ოჯახთან ერთად, ღმერთი გვფარავდეთ!

შენი კეთილისმსურველი მეზობლები.

ა მ ი ნ დ ი		დ ე დ ო ფ ლ ი ს		ს ე ყ ა რ ო	
ორშაბათი 30.12	სამშაბათი 31.12	ოთხშაბათი 01.01	ხუთშაბათი 02.01	პარასკევი 03.01	შაბათი 04.01
დღე	ღამე	დღე	ღამე	დღე	ღამე
3°	-3°	4°	-1°	2°	-5°
3°	-3°	2°	-4°	-3°	-4°
-2°	-3°	-2°	-3°	-2°	-3°
-2°	-3°	-2°	-3°	-2°	-3°

გამომცემელი შპს „შირაჟი“
დირექტორი ინგა შიოლაშვილი

რედაქტორი ნაირა გორაშვილი-პოპიაშვილი

წერილობითი მდივანი ფაქტებსა და ციფრებს პასუხს ავებს ავტორი.

სარედაქციო კოლეგია: ლალი მახარაშვილი, ილია მარტყოფლიშვილი (ყურნალისტები); ელზა ხარაშვილი (სტილისტ-მწერელი); ნათია გომბაშვილი (ბუღალტერი); ნინო ჯანაშვილი (ფოტოგრაფი); მზია ქანდაგი (დისტრიბუტორი); ზურაბ ბუნაშვილი (კომპიუტერული უზრუნველყოფა).

გაზეთი აიწყო და დაკაბადონდა „შირაჟის“ კომპიუტერულ პაზაზე.
ყოველკვირეული გამოცემა იბეჭდება შ. პ. ს. „სამშობლოს“ სტამბაში.

რედაქციის მისამართი: ქალაქი დედოფლისწყარო, ფრონისძის №18, ტელ. 0 356 22 55-49; 598 72-18-72 (დირექტორი) 591 97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.